



Broj: 02-11-842/22-AP-19
Datum: 17.06.2022. godine

Na osnovu člana 25., člana 69. Stav 2. tačka e) i člana 70. stav 1. Zakona o javnim nabavkama („Službeni glasnik BiH“, broj: 39/14), člana 29. Stav 2. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), u predmetu dodjele ugovora o javnoj nabavci radova „Vodosnabdjevanje prostorne cjeline MZ Pašin Konak“, Gradonačelnik Grada Zavidovića, donosi

ODLUKU

Prihvata se preporuka Komisije za javne nabavke, te se postupak javne nabavke radova „Vodosnabdjevanje prostorne cjeline MZ Pašin Konak“, pokrenut donošenjem Odluke broj 02-11-842/22-AP-3 od 18.03.2022. godine objavljen u „Informacionom sistem E nabavki“ dana, 21.03.2022. godine putem Obavještenja o nabavci broj: 1374-1-3-48-3-25/22, p o n i š t a v a .

O b r a z l o ž e n j e

Odlukom Gradonačelnika broj 02-11-842/22-AP-3 od 18.03.2022. godine pokrenut je postupak dodjele ugovora za javnu nabavku radova „Vodosnabdjevanje prostorne cjeline MZ Pašin Konak“, putem otvorenog postupka za koji je dana, 21.03.2022.godine upućeno Obavještenje broj 1374-1-3-48-3-25/22 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda do 19.05.2022. godine do 12,00 sati dostavljene 1 (jedna) ponuda, i to ponuda grupe ponuđača: 1. „TED INVEST“ d.o.o. SARAJEVO i „TEAM HIDRO“ d.o.o. SARAJEVO.

Komisija za javne nabavke zaprimila je pristiglu ponudu, izvršila njeno otvaranje, te izvršila pregled i ocijenu ponude prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

-da je pristigle ukupno jedna ponuda, da je blagovremena i formalno tehnički zadovoljavajuća:

Komisija za javnu nabavku Grada Zavidovića dostavila je Zapisnik o pregledu i ocjeni ponuda broj: 02-11-8422/22-AP-17 od 30.05.2022. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
I.	Grupa ponuđača: „TED INVEST“ d.o.o. SARAJEVO i „TEAM HIDRO“ d.o.o. SARAJEVO.	172.514,10 KM

Iz Zapisnik o pregledu i ocjeni ponuda broj: 02-11-842/22-AP-17 od 30.05.2022. godine vidljivo je da je ponuđena cijena iz Ponude Grupe ponuđača: „TED INVEST“ d.o.o. SARAJEVO i „TEAM HIDRO“ d.o.o. SARAJEVO u iznosu 172.514,10 KM bez PDV-a i da je znatno veća od osiguranih sredstava za javnu nabavku radova „Vodosnabdjevanje

prostorne cjeline MZ Pašin Konak“, čija procijena vrijednosti iznosi 114.697,64 KM bez uračunatog PDV-a.

Članom 69. Zakona o javnim nabavkama, propisano je da se postupak javne nabave može se okončati zbog a) zaključenja ugovora o javnoj nabavi ili okvirnog sporazuma ili b) poništenjem postupka javne nabave.

U stavu 2. istog člana Zakona o javnim nabavkama propisano je da je ugovorno tijelo obvezano poništiti postupak javne nabavke u slučajevima kad: a) nije dostavljena nijedna ponuda u određenom krajnjem roku; b) nije dostavljen nijedan zahtjev za sudjelovanje u ograničenom postupku, u pregovaračkom postupku s ili bez objavljivanja obavijesti ili u natjecateljskom dijalogu; c) nije dostavljen broj ponuda određen u članku 32. stavku (4) ovoga Zakona, ako je bilo predviđeno zaključenje okvirnog sporazuma; d) nijedna od primljenih ponuda nije prihvatljiva; e) su cijene svih prihvatljivih ponuda znatno veće od osiguranih sredstava za predmetnu nabavku.

Obzirom da cijena iz Ponude Grupe ponuđača: „TED INVEST“ d.o.o. SARAJEVO i „TEAM HIDRO“ d.o.o. SARAJEVO IĆI koja iznosi 172.514,10 KM bez PDV-a znatno veća od osiguranih sredstava za javnu nabavku radova „Vodosnabdjevanje prostorne cjeline MZ Pašin Konak“, čija je procijena vrijednosti 114.697,64 KM bez uračunatog PDV-a, u skladu sa članom 69. Stav 2. tačka e) i člana 70. stav 1. Zakona o javnim nabavkama („Službeni glasnik BiH“, broj: 39/14), te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradio/la: _____
(Sanela Mulahasanović)

Kontrolisao: _____
(Midhat Bajramović)



GRADONAČELNIK
doc.dr. Hašim Mujancvić